



緣份

阿母無生後生，有一个對阮姊仔遐抽豬母稅的孫。舊年底孫一娶某煞，就隨搬轉去佢阿母伊做伙踫。我佢阮姊仔是沿若歡喜沿若煩惱起來等。

照佛教的講法，會使熟似、做朋友、厝邊、親人攏是一種緣份，是五百年修來的因緣。毋過真濟有緣的人，逐工咧做伙，煞顛倒袂記得人佢人做伙是一門誠深的學問。做伙著愛互相信任，互相吞忍、包容、尊重。全佢父母教出來的兄弟姊妹都會相觸、冤家量債矣，莫講無全家庭教出來的孫新婦。

佇我的認捌當中，我知影大部份的人出發點攏是好意。當然袂當講好意就一定著，好意袂當保證袂造成傷害。親像阮阿母和孫、孫新婦拄踫做伙無偌久，阿母就共我講個少年的可能無佢意佢伊做伙踫；講孫新婦煮食的時陣，菜攏愛貯做兩盤，一盤予伊食，一盤佢翁仔某家已食。拄聽著我嘛感覺足奇怪，就去問孫新婦講哪著遐麻煩。伊講阿媽有歲矣，喙齒哺冇的哺袂爛，毋過個少年的無愛食傷爛的菜，才會攏先貯一寡仔起來，一寡仔繼續煮予較爛淡薄仔，應該較合阿媽食。聽到遮我心肝嚟一下，嘛真感慨。好佳哉有開喙問，若無毋但去觸著人的意，閣共誤解。就按呢我共阮阿母講，感覺毋好，就講出來，有當時仔是咱想傷濟。無論按怎，人佢人做伙就親像做生理全款，愛用體諒的心來經營。

嘛有真濟有緣的人，因為慣勢對方的存在佢付出，就感覺別人的付出攏是應該的，袂曉珍惜，閣愛嫌東嫌西。定定等到失去這份緣份，才來咧感慨、後悔，按呢就袂赴矣，實在有夠無彩。

其實付出是一種疼，接受也是另外一種疼，付出和接受攏考驗咱的智慧。若是雙方面攏全心付出，全意接受，是一種緣份的圓滿。佇茫茫人海當中，會拄著啥人，若毋是頂世人相欠債，這世人哪會相拄？會使熟似、做伙、做親人，攏是真難得的緣份，咱逐家攏愛珍惜。總是，鬥陣愛包容，誤解愛講清楚，冤家愛相讓，受氣愛冷靜，歡喜愛分享，人生才會圓滿。

作者：張月惠

☆詞彙學習☆

【抽豬母稅】thiu-ti-bó-suè/thiu-tu-bó-sè：又唸作 thiu-ti-bú-suè/thiu-tu-bú-sè。自家養的母豬與別人的種豬交配生產時，出種豬的一方可分得部分仔豬。引申為女兒出嫁所生的小孩中，選其中一、兩人（通常包括次子）從母姓，叫做「抽豬母稅」。

【相觸】sio-tak：吵架、鬥嘴。

【冤家量債】uan-ke-niù-tsè：吵架。像冤家一樣爭吵不停。

【認捌】jīn-bat/līn-bat：學習認識。

【嚟】tshiak：因為驚嚇而心悸。